



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba  
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-03-2195/19

Brčko, 20.12.2019. godine

Pravosudna komisija Brčko distrikta BiH, na osnovu odredbe člana 14. stav (1) tačka u) Zakona o pravosudnoj komisiji Brčko distrikta BiH („Službeni glasnik Brčko distrikta BiH“, br.: 19/07, 20/07 i 02/08) i odredbe člana 11. stav (4) Zakona o zaštiti ličnih podataka („Službeni glasnik BiH“, broj 49/06, 76/11 i 89/11), na 211. redovnoj sjednici održanoj dana 20.12.2019. godine, donosi sljedeći

**PLAN BEZBJEDNOSTI**  
**LIČNIH PODATAKA U PRAVOSUDNOJ KOMISIJI**  
**BRČKO DISTRIKTA BIH**

**DIO PRVI – OPŠTE ODREDBE**

**Član 1**  
**(Svrha i cilj)**

Planom bezbjednosti ličnih podataka u Pravosudnoj komisiji Brčko distrikta BiH (u daljem tekstu: Plan) utvrđuju se organizacione i tehničke mjere kojima se obezbjeđuje zaštita ličnih podataka čiju obradu vrši Pravosudna komisija u okviru obavljanja poslova iz svoje nadležnosti.

**Član 2**  
**(Zakonitost)**

Pravosudna komisija obradu ličnih podataka vrši u skladu sa Zakonom o zaštiti ličnih podataka BiH, Pravilnikom o provođenju Zakona o zaštiti ličnih podataka u Pravosudnoj komisiji Brčko distrikta BiH i drugim propisima koji se odnose na obradu ličnih podataka.

**Član 3**  
**(Zbirke ličnih podataka)**

U Pravosudnoj komisiji Brčko distrikta BiH vode se sljedeće zbirke ličnih podataka:

- a) Evidencija o video nadzoru;
- b) Evidencija o pruženim asistencijama;
- c) Evidencija o povjerenicima koji vrše neposredan nadzor nad licima kojima je izrečena krivičnopravna sankcija – rad za opšte dobro na slobodi;

- d) Evidencija o sprovođenju u kazneno-popravni zavod;
- e) Evidencija o licima kojima je izrečena krivičnopravna sankcija rad za opšte dobro na slobodi;
- f) Evidencija kandidatima upisanim na listu stalnih sudskih tumača u Brčko distriktu BiH;
- g) Evidencija kandidatima upisanim na listu stalnih sudskih vještaka u Brčko distriktu BiH;
- h) Evidencija o dovođenju iz kazneno-popravnih zavoda;
- i) Evidencija o dovođenju sa adrese;
- j) Personalna evidencija;
- k) Evidencija o uvidu u personalni dosije zaposlenika;
- l) Evidencija o angažovanim izvršiocima za obavljanje privremenih i povremenih poslova;
- m) Evidencija o angažovanim volonterima;
- n) Registar testamenata i drugih nasljednopravnih poslova;
- o) Evidencija o izdatim službenim legitimacijama za sudije Apelacionog suda Brčko distrikta BiH i sudije Osnovnog suda Brčko distrikta BiH.

## DIO DRUGI – TEHNIČKE MJERE ZAŠTITE

### **Član 4 (Tehnička zaštita ličnih podataka)**

Tehničke mjere za zaštitu ličnih podataka u Pravosudnoj komisiji Brčko distrikta BiH su sljedeće:

- a) Tehnička zaštita evidencije o video nadzoru ostvaruje se na način da se svi podaci iz ove evidencije čuvaju na mrežnom video rekorderu koji ima kapacitet čuvanja video materijala u trajanju od 30 dana i podaci stariji od 30 dana automatski se brišu. Pristup video materijalu imaju administratori Službe za IT i referent na sistemu video nadzora i to samo uz upisivanje korisničkog imena i šifre. Mrežni video rekorder na kojem se čuvaju podaci video nadzora se koristi u zaštićenoj prostoriji u koju pristup imaju samo lica koja za to imaju posebno odobrenje.
- b) Tehnička zaštita evidencije o pruženim asistencijama ostvaruje se na način da se ova evidencija vodi u elektronskoj formi i pristup evidenciji je ograničen. Ista se nalazi na file-serveru komandira Sudske policije Brčko distrikta BiH i pristup joj imaju komandir, njegov zamjenik i administrator i jedino ova lica mogu mijenjati sadržaj u samoj evidenciji. Ostali

sudski policajci imaju mogućnost ulaska u evidenciju radi provjera osobe, ali bez opcije da mijenjaju sadržaj iste.

c) Tehnička zaštita evidencije o povjerenicima ostvaruje se na način što se ova evidencija vodi samo u elektronskoj formi i pohranjena je na računaru službenika kojem je u opisu radnih zadataka obavljanje svih stručnih i administrativnih poslova koji se odnose na izvršavanje rada za opšte dobro na slobodi i vođenje evidencije. Evidencija je zaštićena lozinkom i poznata je samo ovom službeniku koji je jedini ovlašten da sa istom služi.

d) Tehnička zaštita evidencije o sprovođenju u KPZ ostvaruje se na način da se ova evidencija vodi u elektronskoj formi i pristup evidenciji je ograničen. Ista se nalazi na file-serveru komandira Sudske policije Brčko distrikta BiH i pristup joj imaju komandir, njegov zamjenik i administrator i jedino ova lica mogu mijenjati sadržaj u samoj evidenciji. Ostali sudski policajci imaju mogućnost ulaska u evidenciju radi provjera osobe, ali bez opcije da mijenjaju sadržaj iste.

e) Tehnička zaštita evidencije o osuđenima na kaznu rada za opšte dobro na slobodi ostvaruje se na način što se sva dokumentacija iz ove zbirke (predmeti) odlaže na posebno mjesto u ormaru koji se nalazi u kancelariji službenika kojem je u opisu radnih zadataka obavljanje svih stručnih i administrativnih poslova koji se odnose na izvršavanje rada za opšte dobro na slobodi i vođenje evidencije, te jedino ovaj službenik ima pristup istoj. Sva dokumentacija koja se vodi u elektronskoj formi pohranjuje na računaru pomenutog ovlaštenog službenika koji je zaštićen lozinkom koja je samo njemu poznata.

f) Tehnička zaštita evidencije stalnih sudskih tumača ostvaruje se na način što se sva dokumentacija iz ove zbirke (predmeti) odlaže na posebno mjesto u ormaru koji se nalazi u kancelariji službenika kojem je u opisu radnih zadataka obavljanje svih stručnih i administrativnih poslova Stručne službe u postupku imenovanja i vođenja liste stalnih sudskih tumača i samo ovaj službenik ima pristup ovoj evidenciji. Sva dokumentacija koja se vodi u elektronskoj formi pohranjuje se na računaru sekretarice predsjednika Pravosudne komisije-asistenta, koji je zaštićen lozinkom koja je poznata samo navedenom službeniku.

g) Tehnička zaštita evidencije stalnih sudskih vještaka ostvaruje se na način što se sva dokumentacija (predmeti) odlaže na posebno mjesto u ormaru koji se nalazi u kancelariji službenika kojem je u opisu radnih zadataka obavljanje svih stručnih i administrativnih poslova Stručne službe u postupku imenovanja i vođenja liste stalnih sudskih vještaka i samo ovaj službenik ima pristup ovoj evidenciji. Sva dokumentacija koja se vodi u elektronskoj formi pohranjuje se na računaru sekretarice predsjednika Pravosudne komisije-asistenta, koji je zaštićen lozinkom koja je poznata samo navedenom službeniku.

h) Tehnička zaštita evidencije o dovođenju iz KPZ ostvaruje se na način da se ova evidencija vodi u elektronskoj formi i pristup evidenciji je ograničen. Ista se nalazi na file-serveru komandira Sudske policije Brčko distrikta BiH i pristup joj imaju komandir, njegov zamjenik i administrator i ova lica mogu mijenjati sadržaj u samoj evidenciji. Ostali sudski policajci imaju mogućnost ulaska u evidenciju radi provjera osobe, ali bez opcije da mijenjaju i utiču na sadržaj iste.

i) Tehnička zaštita evidencije o dovođenju sa adrese ostvaruje se na način da se ova evidencija vodi u elektronskoj formi i pristup evidenciji je ograničen. Ista se nalazi na file-serveru komandira Sudske policije Brčko distrikta BiH i pristup joj imaju komandir, njegov

zamjenik i administrator i jedino ova lica mogu mijenjati sadržaj u samoj evidenciji. Ostali sudski policajci imaju mogućnost ulaska u evidenciju radi provjera osobe, ali bez opcije da mijenjaju sadržaj iste.

j) Tehnička zaštita personalne evidencije ostvaruje se na način što se svi personalni dosije čuvaju u posebnim metalnim ormarima koji se drže pod ključem i pristup ovim spisima imaju samo službenici kojima je u opisu radnih zadataka obavljanje svih stručnih ili administrativnih poslova koji se odnose na vođenje personalne evidencije zaposlenih u pravosuđu, kao i službenici koji su posebnom odlukom predsjednika Pravosudne komisije ovlašteni da postupaju sa personalnom dokumentacijom.

k) Tehnička zaštita evidencije o uvidu u personalni dosije ostvaruje se na način što se ova evidencija čuva samo kao elektronski dokument na propisanom obrascu koji je skladišten na računaru službenika kojem je u opisu radnih zadataka obavljanje stručnih i administrativnih poslova koji se odnose na vođenje personalne evidencije zaposlenih u pravosuđu. Računar ovog službenika zaštićen je lozinkom koja je samo njemu poznata.

l) Tehnička zaštita evidencije o angažovanim izvršiocima privremenih i povremenih poslova ostvaruje se na način što se ova evidencija čuva samo kao elektronski dokument na propisanom obrascu koji je skladišten na računaru službenika kojem je u opisu poslova da vodi evidencije o angažovanim izvršiocima po ugovoru. Računar ovog službenika zaštićen je lozinkom koja je samo njemu poznata.

m) Tehnička zaštita evidencija o angažovanim volonterima ostvaruje se na način što se ova evidencija čuva samo kao elektronski dokument na propisanom obrascu koji je skladišten na računaru službenika kojem je u opisu poslova vođenje evidencije o volonterima. Računar ovog službenika zaštićen je lozinkom koja je samo njemu poznata.

n) Tehnička zaštita registra testamenata i drugih nasljednopravnih poslova ostvaruje se na način što se svi podaci upisuju u upisnike koji se čuvaju u posebnom ormaru u kancelariji službenika kojem je u opisu radnih zadataka obavljanje stručnih i administrativnih poslova Pravosudne komisije vezanih za vođenje Registra testamenata i drugih nasljednopravnih poslova u Brčko distriktu BiH i samo ovaj službenik ima pristup navedenoj evidenciji.

o) Tehnička zaštita evidencija o izdatim službenim legitimacijama ostvaruje se na način što se ova evidencija čuva samo kao elektronski dokument na obrascu koji je skladišten na računaru službenika kojem je u opisu radnih zadataka obavljanje stručnih i administrativnih poslova vezanih za vođenje evidencije o službenim legitimacijama sudija Apelacionog i Osnovnog suda Brčko distrikta BiH. Računar ovog službenika zaštićen je lozinkom koja je samo njemu poznata.

## DIO TREĆI – ORGANIZACIONE MJERE ZAŠTITE

### **Član 5 (Organizacione mjere zaštite ličnih podataka)**

Organizacione mjere za zaštitu ličnih podataka u Pravosudnoj komisiji Brčko distrikta BiH su sljedeće:

a) Organizaciona zaštita evidencije o video nadzoru ostvaruje se na način da se pristup podacima iz ove evidencije može omogućiti samo licima koja to pravo imaju na osnovu Odluke o uslovima i načinu vršenja video nadzora broj: SuPK-871/14 od 27.10.2014. godine, uz pismeni zahtjev i odobrenje Pravosudne komisije. Osim toga, ulaz u prostoriju u kojoj se nalazi sistem video nadzora zabranjen je svim neovlaštenim licima.

b) Organizaciona zaštita evidencije o pruženim asistencijama ostvaruje se na način da je pristup sa opcijom vršenja izmjena u evidenciji dat samo komandiru Sudske policije, njegovom zamjeniku i sudskom policajcu na poslovima administracije, dok ostali sudski policajci imaju pravo pristupa samo radi provjere lica bez mogućnosti da mijenjaju sadržaj evidencije.

c) Organizaciona zaštita evidencije o povjerenicima ostvaruje se na način da sve stručne i administrativne poslove koji se odnose na izvršavanje rada za opšte dobro i vođenje evidencije obavlja službenik koji je zaposlen na poziciji – stručni saradnik za pravne poslove i evropske integracije i samo ovaj službenik ima pristup i koristi se navedenom evidencijom i podacima koji su u njoj sadržani.

d) Organizaciona zaštita evidencije o sprovođenju u KPZ ostvaruje se na način da je pristup sa opcijom vršenja izmjena u evidenciji dat samo komandiru Sudske policije, njegovom zamjeniku i sudskom policajcu na poslovima administracije, dok ostali sudski policajci imaju pravo pristupa samo radi provjere lica bez mogućnosti da mijenjaju sadržaj evidencije.

e) Organizaciona zaštita evidencije o osuđenima na kaznu rada za opšte dobro na slobodi ostvaruje se na način da sve stručne i administrativne poslove koji se odnose na izvršavanje rada za opšte dobro i vođenje evidencije obavlja službenik koji je zaposlen na poziciji – stručni saradnik za pravne poslove i evropske integracije i samo ovaj službenik ima pristup i koristi se navedenom evidencijom.

f) Organizaciona zaštita evidencije stalnih sudskih tumača ostvaruje se na način da sve stručne i administrativne poslove Stručne službe u postupku imenovanja i vođenja liste stalnih sudskih tumača u Brčko distriktu BiH obavlja jedan službenik koji je zaposlen na poziciji – stručni saradnik za personalne poslove i zapošljavanje i samo ovaj službenik se služi ovom evidencijom i ima joj pristup.

g) Organizaciona zaštita evidencije stalnih sudskih vještaka ostvaruje se na način da sve stručne i administrativne poslove Stručne službe u postupku imenovanja i vođenja liste stalnih sudskih vještaka u Brčko distriktu BiH obavlja jedan službenik koji je zaposlen na poziciji – stručni saradnik za personalne poslove i zapošljavanje i samo ovaj službenik se služi navedenom evidencijom i ima joj pristup.

h) Organizaciona zaštita evidencije o dovođenju iz KPZ ostvaruje se na način da je pristup sa opcijom vršenja izmjena u evidenciji dat samo komandiru Sudske policije, njegovom zamjeniku i sudskom policajcu na poslovima administracije, dok ostali sudski policajci imaju pravo pristupa samo radi provjere lica bez mogućnosti da mijenjaju sadržaj evidencije.

i) Organizaciona zaštita evidencije o dovođenju sa adrese ostvaruje se na način da je pristup sa opcijom vršenja izmjena u evidenciji dat samo komandiru Sudske policije, njegovom zamjeniku i sudskom policajcu na poslovima administracije, dok ostali sudski policajci imaju pravo pristupa samo radi provjere lica bez mogućnosti da mijenjaju sadržaj evidencije.

j) Organizaciona zaštita personalne evidencije ostvaruje se na način da sve stručne i administrativne poslove koji se odnose na vođenje personalne evidencije zaposlenih u pravosuđu obavlja službenik koji je zaposlen na poziciji – stručni saradnik za personalne poslove i zapošljavanje, i po nalogu ovog službenika, lice zaposleno na poziciji operater-asistent za poslove personalne evidencije i zapošljavanja, radi čega pristup ovoj evidenciji imaju samo pomenuti zaposlenici. Osim ovih službenika, pristup personalnoj evidenciji može imati samo lice koje je takvo ovlaštenje dobilo posebnom odlukom predsjednika Pravosudne komisije.

k) Organizaciona zaštita evidencije o uvidu u personalni dosije ostvaruje se na način da pristup ovoj evidenciji ima samo službenik kojem je u opisu radnih zadataka obavljanje stručnih i administrativnih poslova koji se odnose na vođenje personalne evidencije zaposlenih u pravosuđu i samo ovaj službenik se služi navedenom evidencijom.

l) Organizaciona zaštita evidencije o angažovanim izvršiocima privremenih i povremenih poslova ostvaruje se na način da pristup ovoj evidenciji ima samo službenik kojem je u opisu radnih zadataka obavljanje poslova vođenja evidencije o angažovanim izvršiocima po ugovoru i samo ovaj službenik se služi navedenom evidencijom.

m) Organizaciona zaštita evidencije o angažovanim volonterima ostvaruje se na način da pristup ovoj evidenciji ima samo službenik kojem je u opisu radnih zadataka obavljanje poslova vođenja evidencije o volonterima i samo ovaj službenik se služi navedenom evidencijom.

n) Organizaciona zaštita registra testamenata i drugih nasljednopravnih poslova ostvaruje se na način da pristup ovoj evidenciji ima samo službenik kojem je u opisu radnih zadataka obavljanje svih stručnih i administrativnih poslova Pravosudne komisije vezanih za vođenje Registra testamenata i drugih nasljednopravnih poslova u Brčko distriktu BiH i samo ovaj službenik se služi navedenom evidencijom.

o) Organizaciona zaštita evidencija o izdatim službenim legitimacijama ostvaruje se na način da pristup ovoj evidenciji ima samo službenik kojem je u opisu radnih zadataka obavljanje svih stručnih i administrativnih poslova vezanih za vođenje evidencije o službenim legitimacijama sudija Apelacionog i Osnovnog suda Brčko distrikta BiH i samo ovaj službenik se služi navedenom evidencijom.

## DIO ČETVRTI – ZAVRŠNE ODREDBE

### **Član 6 (Stupanje na snagu)**

Ovaj Plan stupa na snagu danom donošenja i biće objavljen na službenoj internet stranici Pravosudne komisije Brčko distrikta BiH ([www.pkbd.ba](http://www.pkbd.ba)).

PREDSJEDNIK  
PRAVOSUDNE KOMISIJE

Safet Pizović